

20. ΣΩγαγίδο vero sive signaculi appellationem sibi vendicant, quatenus invisibilem & spiritualem gratiam in electis obsignant & confirmant.

21. Facit autem Patrum & aliorum perplexitas ac discrepancia, quâ Sacramentum & rem Sacramenti, sive signum & signaculum confundunt: ut accuratius isthac singula sint explicanda.

22. Initio igitur freti autoritate Apostoli, qui Sacramentum Circumcisionis definit σημεῖον signum: statuimus terminum signi totam substantiam Sacramentorum exprimere: adeò ut quicquid ad integratatem & substantiam Sacramenti pertinet, ei tribuendum sit, quod signet.

23. Constat autem secundum Ireneum & Augustinum Sacramenti cuiusque integritas & Essentia, non re unâ: sed dupli: eaq[ue] toto generis se invicem dissidente: unâ quidem terrenâ ac visibili: invisibili & cœlesti alterâ.

24. Duabus hisce partibus simul sumtis, non alterutri seorsim, Sacrameti nomē ac definitio propriè competit: ac proinde etiam, non uni seorsim, sed utrique rursus coniunctum signi applicatio, & signandi officium competit.

25. Notandum tamen apud Scriptores Ecclesiasticos, hanc de qua diximus vocabuli signi notationem non semper observari, sed illos alias

F f 5 totum